



RVckerus ex Hutzmannorum paupere familia Spiræ natus fuit. Is ob insignem eruditionem & omnis generis uirtutes Episcopus Spirensis electus fuit. quam quidem functionem suscepit, & magna prudentia administrauit. Cum autem is suam patriam amaret, cogitare cœpit, quô nam pacto eam exornare atq; ampliorē reddere posset. Itaq; cum hæcenus Nemetum tantum uilla diceretur, ipse proximum pagum, quod à præterlabente amne Speyro Speyrum dicebatur, muro complexus, suæ ecclesiæ coniunxit, atque utrunq; pagum mœnibus circumdatis in unius urbis formam redegit, quæ iam inde Spey-ra dicta fuit. Eadem ratione locum Vueyblingen, qui ab Ungaris destructus in ruinis adhuc iacebat, restaurauit, atq; Vuimpffen uocauit. Cum hoc modo per annos nouem magna dexteritate suam Ecclesiam administrasset, tandem Anno millesimo octuagesimo quarto mortuus, in sancti Iohannis templo, quod plurimum exornarat, sepultus fuit.